



YPRVS vna est ex maximis Mediterranei insulis, in Mari Magno sita, & regione Syriae ac Ciliciae, 40. ab Hierosolymis versus Septentrionem miliaribus. in circuitu suo 3420. stadia complectitur, quae efficiunt miliaria Germanica 170. quamuis situs eius non rotundus sit, sed triangulari constet longitudine. Frugifera admodum est, tantaeque capacitatis ut in ea nouem olim Regna constituisse referat Plinius. Smaragdi multi, itemque Adamantes, & Crystalli in hac insula reperiuntur. Aluminis quoque multum ac pretiosi metalli. multumque sacchari, vini, gossypij, & integram sylviam arborum diuini Ioannis panem (ut vocant) proferentium. In hac etiam insula excelsus ille Olympus mons existit, multaeque vrbes egregiae, quarum primaria est Cythera Veneri sacra, vnde & Cythera cognominatur. Praeterea Salamin, & Paphos, in quibus Paulus & Barnabas Euangelium olim praedicarunt, aliaeque plures. A tempore natiuitatis Christi plurimi in Cypro Reges imperarunt, donec in Venetorum quoque potestatem perueniret, qui quotannis septem ex ea Auri vasa (ut hodie vocant) deportarunt. Cogebantur tamen Veneti continuum ac numerosum praesidium in Famagusta vrbe sustentare, non sine trium Auri vasorum sumptibus. Quamuis autem Insula haec 5000. passus a continente Ciliciae distet, ceteruam tamen cerui ex Cilicia in hanc insulam natate solent, dum (Plinio teste) sequentium singuli capita sua praecedentium elunibus imponunt. Ex hoc etiam commendatur insula haec, quod sine aliarum regionum auxilio ingentes in ea naues extrui possint. praecelsae enim arbores, lignaque propter meram duritiem ad aedificandum aptissima, malisque naualibus valde accommodata. Pix quoque & resina ibidem reperitur, quibus illiniri instrumenta nautica possunt: funes etiam & linteum ad velorum comparationem. Olim metropolis eius Paphos erat, Cypris quoque dicta, a qua postmodo ipsa insula nomen mutuauit: hodie tamen Famagusta est, vrbs turribus ac propugnaculis bene munita, tam a terrestri quam a Marina parte. Octo inde miliaribus Nicosia distat, vbi olim Cypriorum Regum sedes & aula fuit. Et prope Limiso vrbem (quam Sultanus quidam Aegyptius vastauit) in insula hac fluuiolus est, tanta immundorum vermium colluue refertus, ut nemo loca ista inhabitare possit: nisi quod coenobium in vicinia sit, in quo monachi permultas alunt feles, quae (ut Munsterus scribit) rus petentes ingentem harum sordium aceruum moribus trucidant, & ad campanulae signum statuto tempore coenobium repetunt ad Ientaculum siue prandium sumendum. Cyprus quoque bonum & pulchrum producit sal, quod glaciei in modum e terris exciditur & coaceruatur. Duos habet insula haec fluuios celebriores ex Olympo monte scaturientes, Lycus versus Meridiem, & Lampetus versus Septentrionem. Messem Cyprus in Vere suam habet, totaque hyeme pecudes pascua rudent: aestate vero vbi calor inualuit, domi pecudes aluntur, quod pascua ardore solis exusta gramina non producant. Anno Christi 1570. acre inter Venetos & Turcas bellum exarsit huius insulae causa: inuasitque Selimus Turcarum Imperator insulam hanc, vrbemque Nicosiam 9. Septembris die summa vi expugnauit, crudelissime in deuictos sauiens, postquam annos 97. Venetorum imperio subiecta fuit. Anno proxime sequenti, scilicet 1571. Cal. Aug. pulcherrimam Famagustae vrbem deditioe capit; nullam tamen Tyrannus ille Selymus Christianis fidem seruat, sed pium istum militiae Ducem Bragadinum Venetum immani ac diuturna morte necari curauit. Perfidiae tamen suae dignissimas vno saltem anno elapso luit penas, dum Veneti eum fortissime in Mari Aegaeo caedunt, dupliciter damnum sibi nuper illatum compensantes, non sine singuli auxilio & fauore diuino. Salamin praecipuarum vrbiu vna ab Hierosolymis 49. in Septentrionem distat miliaribus, extructa olim a Teucro Salaminis insulae Regis filio, quae non ita procul ab Athenis in Mari sita est. Teucrus enim hic a bello Troiano domum reuersus, Aiakis fratris sui nece necdum vltima, a patre suo (Rege nimirum Telamone) reijcitur. profugus igitur in Cyprum veniens, vrbem hanc a se conditam patriae suae nomine insigniuit. Ad hanc vrbem Paulus & Barnabas relicta Cilicia Cyprum petentes appulerunt. Scribit D. Hieronymus Iudaeos Traiani Caesaris tempore insulam hanc vastasse, & viuos omnes interemisse. Restaurata postmodum, Constantia est appellata. Ex Salamine hac etiam Solon 7. Sapientum vnus prodijt. Nostro g-

CYPRVS INSVLA

Citina, Cerasim, Aspelia, Cripco
Collina, Amachusia, Paphia, Macaria, et denique
Cyprus haec insula dicta est, quae vox graeca Veneris
significat, quod admodum ibi venerabatur, et in Olyn-
po monte eius erat templum, cuius ingressus vltimoque
mulieribus interdiceretur. Mare hoc Pamphilium
quod auae Settelis Sinus dicitur, antiquitus periculosis-
simum erat, maxime diebus inter Aegyptum et Ephyraum
danais, sed virtus eius ex sanctis eius quibus, redemptor
nostrus crucifixus est, abulam per beatam. Aeliam Constat
in monte inuicti, terrae et pericula nonnulla aduenit
Ann. 1570. insula haec a Sclauis Turc. sup. Veneta creptae.

SEPTENTRIO
PAMPHILIUM
MARE



Insula haec antiquitus diuitijs abundans, et mollis habi-
ta fuit, delicias ac luxa plurimum dedita. Ex regalibus vrbibus fac-
rant Paphos noua in Paphia regione, quam Apapenior praefectus
clausis Agamemnonis regis condidit. Paphos vetus, quae in eade re-
gione excubuit, Veneri dicata. Cithera quoque totius insulae nomen dedit,
in qua Veneris orta fuit, sed hodie non amplius extat, eiusque in loco est
oppidum Comucha, ex principibus totius insulae, ab gessis, sacchari, et
ang. abundantiam. Amachus Veneri olim sacra, nunc destructa est.
Ceraunia, a Cyro condita perhibetur, cum nouem Reges insulae sub-
iugisset, haec arcem habet, sacris tutam, clementiari etiam coelo q.
quanti alia insulae pari fruiunt. Nicosia regalis senger sedes fuit,
sicut et Archiepiscopalis, posita in planitie. Nicosia. Famagusta
vrbis insulae, totius regni imperat. numerat hodie 850. pag. inter
vrbes abouit destructe, Calales vrbis ibi est, et complectitur circuitu
180000. habitant.

uo Salamin hæc (quæ postea quoque Constantia appellata fuit) Famagusta nominatur. Paphos vrbs est maritima, in qua insigne Veneri templum extabat. D. etiam Hieronymo teste vrbs hæc crebriori terræ motu penitus diuulsa & labefactata iacuit, ita vt sola rudera præclaræ olim vrbs indicia extiterint. In hac vrbe D. Paulus Elimam magum excicauit, & Sergium præfectum ad fidem conuertit. Nomen traxisse videtur à Papho, filio Pygmalionis egregij istius artificis, qui in insula hac pulcherrimam istam virginis statuam ex ebore formauit. hodie vrbs hæc Baffa appellatur, valde diruta iacens, ruderibusque suis insignis quodam vrbs testimonia relinquens, vt pote murorum ac templorum, & in medio vrbs turrium in monte sitarum, quas Sergij præsidis fedes fuisse conijcitur. Actor. 13. Boterus & isthuc addit: Constantini Imperat. tempore continuis septendecim annis nullæ hic fuere pluuiz, vnde deserta mansit, donec D. Helenæ beneficio in Olympo monte templum ædificaretur, & frusto ligni sanctæ Crucis donaretur: exinde pluuiz redierunt, ac habitari denuo
cepit.

